



Terug van weg west

Toneelspel ien drei bedrieven

door

E. TORRENGA

TONEELUITGEVERIJ VINK B.V.

(Grimas Theatergrime verkoop)

Tel: 072 - 5 11 24 07

E-mail: info@toneeluitgeverijvink.nl

Website: www.toneeluitgeverijvink.nl

VOORWAARDEN

Alle amateurverenigingen die het stuk: **TERUG VAN WEG WEST** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **E. TORRENGA** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **7** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten
van u te claimen, of te innen.**

SPEULERS:

Tine Bakker – wedevraauw

Suze - dòchter van Tine

Gerrit Pruus - Suze `s man, hèt n loonbedrief

Marga - dòchter van Tine

Ties - Ex verloofde van Suze

Alie - zuster van Tine, zegt woar `t op staat

Tinus Mellemoa - n klant van Gerrit

EERSTE BEDRIEF

As `t douk open gaat zit Tine bie t roam mit n braaiwaarkje. Sums en din kikt ze noar boeten.

Marga: (*op, kikt rond*) Binnen joe allain?

Tine: Joa, ik zit hier allain. Hou dat zo?

Marga: Woar binnen de annern?

Tine: Gerrit is achter waark aan en Suze is te deur oet lopen.

Marga: Hemmen joe aal heurt dat Ties thoese komen is?

Tine: Joa en volgens mie is Suze doar hìn. Ze dee nogal opgelooten.

Marga: Nou mout joe ophollen!

Tine: Ze hèt t nait mit zoveul woorden zegt, mor n gòie verstoander hèt mor n haalf woord neudeg.

Marga: Ze gaat hom toch nait opzuiken. Dat kin ze nait moaken.

Tine: Nee, ze ging zogenoamd aan bòsschop en ik dink dat ze hoopt, dat ze hom onverwacht tegen t lief lòpt.

Marga: Ik heb mit Ties te doun. Dat Suze nait ain joar op hom wachten kon.

Tine: Vaaier joar wachten waas heur te laank, ze kon zogenoamd nait zo laank zunner n man.

Marga: Dat duurde heur te laank, zeggen joe. Al mos ik tien joar wachten, din haar ik wacht op zo`n vent as Ties. n Mooie thoekomst veur hom. Zien Moeke overleden... van verdrait zegt men... zien verloven oet en ook nog wel deur zien beste vrund.

Tine: Ik bin t nooit ains west mit dij verloven. Doe wais hou ik der op tegen waas, dou Ties weggoan is. Mor Suze wol t mit ale geweld. Ik kon der nait tegen proaten.

Marga: En Ties, dij goudbloud dee t. `k Heb mit hom te doun, mam.

Tine: (*moudeloos, schudt mit kòp*) Ze waren veul te kòrt bie mekoar en ze waren stoabel verlaifd op mekoar.

Marga: Suze was òld genug, om te besevven, wat ze dee. As je twinneg binnen din wait je wel woar Oabram de mosterd hoalt.

Tine: Doe bis n laif kiend. Tou kom es even bie mie. (*Marga gaat noar heur tou en gaat op heur kneien bie Tine zitten dei heur deur t hoar strikt en zegt zaacht*) Doe bis zo hail aans as Suze, dat is aaltied aal zo`n dwaarsbongel west. Ze is mie onner handen votdwarrelt. Ik begriep heur nait. Ze gaat heur aigen weg.

Marga: Mor wie onzent.

Tine: Joa kiend, wie onzent... mor Suze, zol dij op heur weg vonnen hemmen, wat zai dòcht te vienen?

Marga: Nou... Gerrit waas mien smoak nait.

Tine: Over smoak vaalt nait te twisten.

Marga: Suze liekt mie nait gelukkeg bie hom. Ze is voak zo òfwezeg, veuraal de leste tied en Gerrit wòrt bie de dag onverschilleger.

Tine: Is die dat ook opvaaln?

Marga: Ook wel meer. Ik bin nait van guster.

Tine: Hèt ze die t verteld, dat ze ien verwachten is?

Marga: Nee dat nait, mor ik heb zain dat ze bezeg was mit luiers. (*gaait stoan. Op aner toon*) Binnen joe nou nait blied, oma?

Tine: Zo ver is t nog nait... wacht eerst mor òf. Der kìn nog van alles gebeuren.

Marga: (*geft heur n kus*) ...en ik... taande... (*draait veur Tine`s stoul laangs*) En ik taande Marga. Wat zeggen joe doar van?

Tine: (*lagt*) n Kuken bis. Schenk doe mie mor ais n kòpke thee ien.

Marga: Netuurlek, dat dou ik direkt... `k Heb der zulf ook wel zin ien. (*schenkt thee ien*).

Suze: (*komt op, kikt stoens*) Moi.

Marga: Hoi Suze. Koms net op tied. Ook n kòpke thee?

Suze: Nee, dank je wel. `k Heb aal thee had.

Tine: Woar dat?

Suze: (*stug*) Gaait joe nait aan.

Marga: (*geft Tine heur kòpke thee*) Mit verkeerde bain te bèr oetstapt? Kiek mam, hier is joen thee.

Tine: Nait zo wraid, Marga. n Zunege vraauw is de beste spoarpot, mos mor reken.

Marga: (*drinkt heur thee*) Ik kin t nait oetstoan. As men zuneg mout, best, din mout men zuneg, mor as der geld bie de vleet is, din mout men t rollen loaten.

Suze: (*stug*) Kin wel heuren da`s doe nait traauwd bis, want din mout je zuneg.

Marga: Alles goud en best, mor doar heurt zuneg kieken toch nait bie. Dat dus doe mie de leste tied veuls te veul.

Suze: (*lòpt òf*) Vlaig op doe.

Tine: Hai Marga, dat kins beder veur die hollen. Mos heur nait zo ploagen, ze hèt t aal stoer genog.

Marga: Wait ik wel, mor ik mout van heur altied aanheuren: "Kin wel zain da`s doe nait traauwd bis".

Tine: Vergeet nait, dat n vraauw dij ien verwachten is altied anners is as gewoon. Doar mos reken mit hollen.

Marga: Goud mam, dat beloof ik joe. Mor kom, ik loop nog even noar Coba, vroagen wat wie vanoavend doun goan.

Tine: Goa din mitain even bie Alie aan en vroag of dij hier vanoavend n tiedje komen wil, aans ben ik vanoavend allain.

Marga: Woar binnen Gerrit en Suze din?

Tine: Dij goan noar Gerrit`s òllu tou.

Marga: Din spreek ik mit Coba of, dat wie baaiden, joe vanoavend gezelschop hollen.

Tine: Nee... nee... jonkgoud mout nait bie òlle minsen zitten. Loop mor even bie taande Alie aan, want dij is doar mor wat blied mit. Zai is toch ook allain.

Marga: Nou net wat joe willen. Tot straks din. Doei!

Tine: (*ròpt heur noa*) Nait te laang wegblieven heur, wie eten op tied.

Marga: (*bie deur*) Nee, da`s goud. Ik bin der op tied weer. (*Marga òf*)

Tine: (*schud mit kòp*) Wat toch n verschil tussen dij twij kiener (*pakt heur braaiwaarkje weer op*)

Suze: (*op*) Is ze vot?

Tine: Hou zo? Hes doe wat mit heur?

Suze: Nee, niks. Ik kin allain nait oetstoan, dat zai... en dat ik... (*slikt der tegen*)

Tine: Wat kins doe nait oetstoan?

Suze: Dat ik ien aal dij ellende zit... en zai mor oetvlaigen kin, woar zai mor hìn wil.

Tine: Dij tied hes doe toch ook had?

Suze: (*mit n brok ien keel*) Heb ik ook, wait ik wel... mor nou... nou ik Ties weer zain heb. (*snikt*)

Tine: Stil Suze. Doe mos Ties vergeten. Doe hes dien keus nou doan.

Suze: (*vol*) Mien keus... (*schreiend*) Ongelukkeger schepsel as ik lòpt der nait.

Tine: Nou mos nait begunnen te schreien. Doar heb ik die genug veur woarschouwd.

Suze: Hemmen joe joen ogen din dicht. Zain joe din nait dat Gerrit hom naarns meer wat van aantrekt.

Tine: `t Zit hom nait mit, Suze. Dat wais doe zulf ook wel. Dat nije loonbedrief mit zien grodere mesienes dat plagt hom.

Suze: Dat kin ik toch nait helpen. Doarom huift hai mie toch nait òfsnauwen. Hai zegt gain fesounlek woord meer tegen mie.

Tine: Elke man is anners. Ain kin dat verwaarken en n aner nait en gaat der din dwaars tegen ien. As doe nou verstandeg bis din vangs doe dat op. Dat is dien toak as zien vraauw.

Suze: (*schamper*) Zien vraauw... men kin beder zeggen zien hoesholster. Hai komt thoes om te eten en te sloapen en veur de rest zit e bie Brouwer ien kroug. As ik alles waiten haar...

Tine: Doe hes alles veurof waiten, Suze. Nait ain, mor doezend moal heb ik die dat veurhollen. Mor doe wols nait luustern. Kons nait boeten hom zee`s doe. En nou bis die zulf aan t bekloagen.

Suze: (*heftig*) Is dit din n leven veur n jonge vraauw, zoas ik bin. As ik boudel nait aan draai hol, komt r haildaal niks van terecht en wat is mien dank. Aans niks as swaart kieken en bokkeproek op. Een keer n laif woord of aanhoalen is der nait meer bie, iets woar hai veur zien traauwen zo goudgeefs mit was.

Tine: Bis doe net zo goudgeefs bleven as veur dien traauwen? Ligt alles aan Gerrit? Hai krigt van die ook gain goud woord meer. Dat gaat aal tieden zo. Woar twij binnen hemmen ook twij schuld. Wat is der toch tussen joe baaide.

Suze: (*ien opstand*) Dat gaat joe niks aan.

Tine: Gaait mie ook niks aan. Zel ik mie ook nait mit bemuien. (*streng*) Mor kom din ook nait bie mie te sjantern en te jeuzeln as t die nait noar de zin gait. Doe heurs bie Gerrit, dat is dien stee. Bis mit hom traauwd en mos mit hom verder deur t leven.

Suze: (*steunt*) Hemmen joe ogen din dicht?

Tine: (*gaait staan*) Nee, mien wicht; ik heb ze wiedwoagen open. Dat is mie wel leert ien mien leven. Mor ik heb ze nou nait open veur miezelf, mor veur die. `t Eerste joar van joen traauwen is t stoerste. Din mout je baaiden joen best doun om n kanner te begriepen. Ik bedoul, aaltied meer geven as nemen.

Suze: (*heftig*) `k Heb nog nooit aans doan as geven. Hai neemt en nait zuneg ook.

Tine: Hou durfs doe dat te zeggen. Baaiden geef je en neem je. Doe nems ook. Doe hes n klaaierkaast woar je U tegen zeggen. Dat nems doe.

Suze: (*heftig*) Dat neem ik ook. Doar heb ik recht op. Ik wil nait ien lompen lopen. Ik mout mien stand ophollen.

Tine: O, wils doe zeggen, dat je deur dure klaaier kopen, je stand ophollen. Bis vergeten wat dien òfkomst is? Mit aner woorden... De klaaier dij wie aanhemmen binnen lompen.

Suze: Netuurlek nait. Mor ik wil der roem ienzitten en nait ale doagen t zulfde aanhemmen. Doar heb ik recht op.

Tine: Mor nait zo, Suze! Kin dat allemoal? Joe mouten nog begunnen.

Suze: (*onverschilleg*) Gerrit zegt der nooit wat van.

Tine: Dat wil nog nait zeggen dat het allemoal kin. Zo florisant goan joen zoaken nait. Doar mos doe as vraauw mit om dinken.

Suze: Hai verteld mie ook nait, wat hai bie Brouwer ien kroug verdut. Dat kost ook geld.

Tine: As hai door nou es hingaait, omdat doe zo`n groot gat ien haand hes?

Suze: (*schamper laggend*) Och kom...

Tine: Nee, lag doar nou nait om. Hai zol de eerste man nait wezen, dij

deur zien vraauw de kroug ienjagt wòrt en zien gezin ien de steek let. En dat gezin bis doe, doe... en dat, wat ien die leeft. (*legt heur haand op scholler*) Tou Suze, beloof mie... bekiek t ook van zien kaant... Messchain is hai die der dankboar veur.

Suze: (*onverschilleg, rukt zich lös*) Och, joe ook altied mit joen gesoes. As ik nait ien verwachten van hom was, din was k allaang bie hom weglopen. Dèr, nou waiten joe persies, hou ik der over dink. (*òf noar keuken*).

Tine: (*terneergesloagen*) Kiend, kiend... Doe wilt nait aans. Lòps dien aigen ongeluk ien muit op zo`n menaai.

Gerrit: (*op. Let Mellemoa veurgoan*) Kom der mor even ien, Mellemoa, din kinnen wie der even rusteg over proaten.

Tinus: Gòiedag, vraauw Bakker.

Tine: (*herstelt heur gaauw*) Gòiedag Mellemoa.

Gerrit: (*stug*) Moeke, willen joe ons even allain loaten? Ik heb wat mit Mellemoa te beproaten.

Tinus: Joe maggen der om mie gerust bie blieven heur.

Tine: Komt mie der niks opan, Mellemoa. Gerrit is òld genog om zien zoaken allain te behartegen en ik heb nog t ain en aner te doun. (*Tine òf*)

Mellemoa: (*kikt heur noa*) Verstandeg wiefke, jong.

Gerrit: Dat is t Mellemoa. `k Wol zo geern dat mien vraauw wat meer van heur moeke haar.

Tinus: Dij oart wat meer noar heur voader. Dat heb ik der aal aan zain. Hai was n gòie kommissionnair, as t op zoaken aankwam, mor as minsk, om mit om te goan, ien ain woord zegd n ongeluk.

Gerrit: `k Heb mien schoonvoader nait kind, Mellemoa.

Tinus: Niks aan verspeuld jong. Dat wiefke dat doar net wegging, hèt de boudel bie mekoar hollen, aans was alles der deurgoan. Veul te wispeltureg. Mor nou t aner, doar zol wie hier ja nog even over deur proaten. Wat mout mie dat kosten om dat zoad van mie der of te kriegen.

Gerrit: Dat heb ik joe aal zegt Mellemoa, *f* 275,- per bunder. Ik kin t nait veur dij pries doun. Hou groag ik ook wil.

Tinus: Nee jong, doar bis mie te duur mit. Veur *f* 200 maags ter òfhoalen.

Gerrit: Dat heb ik van joe nog nooit heurt, Mellemoa.

Tinus: Zel wel nait, mor dij tied heb k had. Men mout nou weer oetkieken vandoag de dag. Doe bis *f* 75,- gulden duurder as dien concurrent en dat wòrt mie te gorteg.

Gerrit: Ik kin ik t onmeugelk veur dij pries doun, hou groag ik ook wil.

Tinus: Woarom doe nait en n aner wel?

Gerrit: Din kom ik nait aan mien geld. Doar is mien combain te klain veur.

Tinus: Doe koms achteraan, jong. Dien concurrent dut het ook veur dij pries.

Gerrit: Dat komt omdat dij n modernere combain hèt en dij neemt nou ainmoal ien ain keer meer mit.

Tinus: Schaf die din ook n modernere aan.

Gerrit: Dat kin nait. Ik waark nog mit schuld op dizze combain. Tou Mellemoa, gun mie dit joar nog joen waark din bin ik oet de braand.

Tinus: Nee jong, *f* 75,- gulden verschil, dat is mie te veul. Hes mie de leste twij joar best behandeld, mor dit is mie te gorteg.

Gerrit: Veur *f* 265,- din. Ik wil joe geern hollen as klant en begunsteger. Tou Mellemoa, loat mie nou nait ien de steek. Ik wil ook geern verdainen.

Tinus: Nee, as t veur *f* 225,- doun wils, is t mie goud.

Gerrit: Ik kin t er nait veur doun, Mellemoa, hou geern ik t ook wil.

Tinus: (*lòpt noar deur*) Din gaat t over, Pruus. Het verschil is mie te groot. Hou groag ik die ook helpen wil, mor zoaken binnen zoaken.

Gerrit: (*smeekt*) Tou Mellemoa, blief mien klant. As joe ook nog bie mie weggoan... (*zacht*).... din goan der meer.

Tinus: *f* 225,- gulden... nou?

Gerrit: Dat kin nait, din goa ik kepot. Vief joar bin ik nou bezeg, zo as joe zulf wel waiten. Joe hemmen mie zulf toundertied hulpen om aan de gang te komen. Nou dizze combain te klain is, mout ik de gelegenhaid hemmen om hom liek te moaken, alveurens ik `n grodere kin kopen.

Tinus: (*staat bie deur*) Din haars wat zuneger wezen mouten, jong. `t Is messchain hard om die `t te zeggen, doe kons zuneger.

Gerrit: Hai mainen joe?

Tinus: Mos dien klokje stoan loaten en wat minner ien kroug lopen.

Gerrit: Mellemoa!

Tinus: (*lòpt noar hom tou*) Nee, nou nait kwoad wòrren. Ik zeg die t oet bestwil. (*kikt hom stief aan*) Wie hemmen veurege week vergoadern had mit n poar boeren en wie hemmen besloten om zulf n combain aan te schavven.

Gerrit: (*lòpt bie hom vot. Kòp noar beneden*) Willen joe zulf n combain anschavven?

Tinus: Ja, mit n poar boeren soamen. Liekt die dat zo roar tou? Ik was der op tegen, om da`s doe op ons aanroaden n combain kocht hes. Wie mouten dij vent helpen heb ik zegt, din kin hai aan zien verplichtens voldoun.

Gerrit: Doar hemmen wie t boeten ja aal over had, Mellemoa.

Tinus: Wait ik wel, mor dat is nog nait alles. Ze wazzen t nait mit mie ains, want ze hemmen oetrekken loaten, da`s doe dien combain aal

laang liek hemmen kons. Zoveul hes doe aan ons mit n kanner al wel verdaind.

Gerrit: (*zacht*) `t Hèt mie nait allemoal mitzeten.

Tinus: Elk kin t tegenlopen, mor doe waarks die zulf tegen.

Gerrit: (*zacht*) Ik begriep joe nait hailemoal.

Tinus: Joa wel, doe begrips mie donners goud. Bis op t ogenblik ook nait brandschoon.

Gerrit: Dat is wat, woar joe niks mit neudeg hemmen. Dat kin ik altied zulf nog regeln.

Tinus: Dat kins nou wel mainen, mor doar dink ik toch aans over. Wat ik die vertel, kins dien veurdail mit doun. Doe mos dat borreltje kopen loaten. Doar is nog nooit n mens beder van wòrren. En din nog wat.

Gerrit: Hemmen joe nog meer?

Tinus: Joa zeker, doe mos dien vraauw ook es even op stee zetten en zeggen dat zai ook zuneger mout, as der wat van joe baaiden nog wat terecht komen zel.

Gerrit: Joe bemuien joe nou mit zoaken woar joe niks mit neudeg hemmen. Dat binnen mien zoaken.

Mellmoa: Goud, gelieke gòie vrunden. Mor veur da`k vot goa, wil ik die dit ook nog zeggen: wat helpt hèt as n kou n emmer vol melk geeft en hai schopt emmer weer onnerste boven?

Gerrit: Wat bedouln joe doar mit?

Tinus: (*bie deur*) Net zo as ik t die zeg. Men dempt de put mainsttied, as t aal te loat is. Gegroet.

Gerrit: (*moudeloos*) Men dempt de put as t aal te loat is. (*haardop*) Verrekte rötboer, wat hes doe der mit neudeg.

Tinus: (*ien deur*) Ik kom nog even terug. Nou, wils het doun veur fl. 250,- ja of nee?

Gerrit: (*wild*) Zel ik joe es wat zeggen, misselke rötkerel. Hèt gaat joe naargens aans om, as om mie kepot te moaken. `t Gaait mie te goud. Dat kin wel wat minner noar joen dunken. Ik dou t allain nog veur de òlle pries en gain dubbeltje minner. Joe kinnen barsten om mie. Joe kinnen n kiend kriegen om mie, mit n kopern kont, din kinnen joe poetsen. Zo en nou wait je t.

Tinus: (*kaalm*) Nait zo`n grode mond. Doar krigs spiet van manneke. `k Wol die aans net vertellen dat ik akkoord goa mit fl. 250.-, omdat k mit die te doun heb.

Gerrit: Joe hemmen t wel heurt nait! Barst mor om mie.

Tinus: Dat heb k zeker heurt en dat aner ook. Zulf waiten en din nog dit. Volgende moand vervaalt dien leste òflössen van tien doezend gulden. Dinks der wel even om hèt? Krigs dizze keer gain krediet meer. Gegroet! (*òf. Suze is onner t zeggen van de leste woorden opkomen.*)

Gerrit zigt heur nait)

Gerrit: (*schamper laggend*) Gain krediet meer. Dat haar ik toch ook nait meer kregen. Doar waast allain mor om begonnen. (*draait hom om*) O, stais doe mie of te luustern?

Suze: Joa, wat hes doe nou doan? Roezie moakt mit Mellemoa. Dat is toch nait woar?

Gerrit: Joa. Dinks toch nait da k haildaal veur niks aan t waark goa! Hai kin om mie glin bie lucht langs waaien.

Suze: `t Kin ook wel n beedje aans nait?

Gerrit: (*onverschilleg*) Vlaig doe ook op om mie. `t Is dien schuld.

Suze: (*geroakt*) Tou mor, tou mor.

Gerrit: Ja zeker, tou mor. (*bekikt heur en din kwoad*) Kin t weer nait op, hes weer nij goud aan?

Suze: Nou, nou... wat aans kin ook wel.

Gerrit: (*kwoad*) Zeg op, hou koms aan t geld der veur?

Suze: Dat heb ik van bank hoalt.

Gerrit: Zo, hes doe dat van bank hoalt!

Suze: Joa, doar heb ik ook recht op en ik wil mien dail der ook van hemmen.

Gerrit: (*kold*) Zo!

Suze: Staait die dat nait aan messchain?

Gerrit: Kins mit dien poten van t geld òfblieven. Begrepen!

Suze: Dus doe dat ook?

Gerrit: Hes toch wel heurt nait! Ik heb die aal eerder zegd, dat dat onwieze klaaier kopen òflopen mout wezen. Lops der ale doagen bie as n modepop. Onnut geld oetgeven. Minsen op stroat proaten der over en ik krieg van mien klanten sums stekele opmaarkens der over.

Suze: Wel hèt tegen mie zegt: Zelt niks tekort komen, as wie traauwd binnen? Wel zee dat?

Gerrit: Tieden binnen verannerd en doar hes doe reken mit te hollen.

Suze: Din zol ik dat ook mor doun, as ik die waas!

Gerrit: Wat bedouls doe?

Suze: Zeg es, dus doe doar ook noar? Brouwer hèt nog nooit zo`n beste klant had. Stinks nou alweer n uur ien de wiend noar jenever en dat wil mie...

Gerrit: Zel ik die es wat zeggen....

Suze: Zeg mor niks, da`s beder. Ik bin bie die toch niks meer ien tel. Negeren, aans kins mie nait en dat... nou ik... (*gaait zitten en begint te snikken*)

Gerrit: Joa heur, dat kins, as t nait winnen kins. Din komen troanen en din mout ik mor weer tougeven.

Suze: Gerrit... Gerrit....

Gerrit: Stel die nait aan, ditmoal geef ik nait tou. Wat heb ik aan die... niks...

Suze: Gerrit, ik wil nait hemmen...

Gerrit: Hes niks te willen. `k Heb mie doodknoeid en doe... hes t verpronkt... doe en gain aner. Ien t begun heb ik die goan loaten... omdat ik gek van die waas... en dou ik der wat van zegt heb, dou kreeg ik de opdonner: "Ik neem wat mie toukomt" en... dat hes doun ook.

Suze: Netuurlek.... mien spoarsinten zittten ook ien dien combain?

Gerrit: Wat wils doar mit zeggen?

Suze: Dat ik der bie lopen wil, zo as ik dat van hoes oet gewind bin.

Gerrit: (*vol overtuigen, hoast smekend*) Mor ien vredesnoam Suze, dat kin nait, dat kins toch zulf ook wel begriepen. De zoak gaat toch veur alles.

Suze: Ik wil der nait as n slont bie lopen om "de zoak". Haars die mor nait zo ien schuld zetten mouten. Dien òlle combain dee t ook nog.

Gerrit: Da`s nait woar. Dizze is al weer veròllerd. Ik kin nait meer mitkomen. Ik mout n nijere combain hemmen.

Suze: Haar din toch vot n grodere kòcht. Nou is n aner die veur.

Gerrit: Mie nog meer ien schuld zetten zeker as k aal doan heb. Wais toch net zo goud as ik, dat ik de volgende moand de leste òflössen betoalen mout en ik wait nait woar ik t geld weghoalen mout. (*lòpt op heur tou en gaat op ain knij zitten*) Tou Suze, help mie mit, wie mouten der op ain òf aner menaaier oetkomen.

Suze: Haar din gain roezie moakt mit Mellemoa. Hes der zulf noar moakt en nou zits mit de gebakken peren.

Gerrit: Dat stuk verdrait wil mie niks verdainen loaten. Veur dij pries kin ik nait waarken. Ik draai mie der op zo`n menaaier aal verder ien.

Suze: Men mout wel ais n steek vaaln loaten om twij weer op te nemen. Mellemoa mouten wie veur ogen hollen.

Gerrit: Wel ale donners nog aan tou. Gefs hom nog geliek ook. `n Vent dij ons nait gund is dat ons t goud gaat.

Suze: (*smoalend*) ...Hm... goud gaat.

Gerrit: Dij zee, dat ik die op stee zetten mos en der bie zeggen da`s doe zuneger mos wòrren, as der van ons baaiden nog wat terecht komen zel.

Suze: Luks, dat hèt hai nait zegt.

Gerrit: O, stoa ik weer te laigen.

Suze: Netuurlek. Zulf durfs mie t nait zeggen en nou mout ik dat loven, mit zo`n slinke slag. Schietert! Bah, bis n vent van niks.

Gerrit: Mains dat?

Suze: Ja zeker main ik dat.

Gerrit: (*op aner toon*) Blief dat din mainen en wees der gelukkeg mit. Mor

wat Mellemoa zee, dat waas woarhaid en ik loof dat man geliek haar ook. (*lòpt noar deur*) Saluut!

Suze: Woar gaais hìn?


Gerrit: (*onverschilleg*) Noar Brouwer, doar is t lolleger as hier. Krieg ik mien nat en dreug op tied.

Suze: Zel ik die n kòp thee ienschenken? Haar der din ook om vroagt. Dat is n mooi smoeske om weg te komen.

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto